

Uunga siunnersuut: Immani avatangiisit innarlitsaaliorneqarnissaat pillugu Inatsisartut inatsisissaattut siunnersuut

(Avatangiisinut Pinngortitamullu Naalakkersuisoq)

Saqquummiusissut

(Avatangiisinut Pinngortitamullu Naalakkersuisoq)

Siullermeerneqarnera

Matumuuna immani avatangiisit innarlitsaaliorneqarnissaat pillugu Inatsisartut inatsisissaattut siunnersuut, immani avatangiisit innarlitsaaliorneqarnissaat pillugu Inatsisartut peqqussutaannut 1994-imeersumut taartaasussaq, saqqummiutissavara.

Kalaallit Nunaata 1994-1. januar imi nunamiit 3 s̄omilit tikillugit immani avatangiisinik innarlitsaaliiuinissamut akisussaaffik tiguaa. Tassalu inatsisissatut siunnersuut titarnermit aallaaviusumit uuttoorlugu 3 s̄omilit tikillugit immani avatangiisinut maleruagassiinissamut tunngasuuvooq. Taakkununnga kangerluit iterlaallu ilaatinneqarput.

Inatsimmi siunertat pingaernerit marluupput: Siullermik immani avatangiisinut inatsisivut nunani tamalaani pisussaaffinnut naapertuuttunngortinnejassapput. Tamatumani assersuutigalugu pineqarput OSPAR-imut isumaqtigiiissut, umiarsuarnik igitsinissamut inerteqquteqarnermik imaqartoq aamma Londonimi isumaqtigiiissut, atortussiat arrorsinnaasut kisiisa pinnagit tamanik eqqaanissamut inerteqquteqarnermik imaqartoq. Aappaattut maleruagassanik ullutsinnut naleqqutunik, maani nunatsinni avatangiisini pissutsinik, kiisalu immani avatangiisitta qanoq aqunneqarnissaannik kissaatitssinnik piumasaqaatitsinnillu aallaaveqartunik, pilersitsisoqassaqq.

Ullumikkut sineriapput sinerlugu sumiiffinni arlalinni umiarsuarnik qimaannakkanik, immani avatangiisinut ulorianartorsiortitsisinnaasunik peqarpooq. Inatsisissatut siunnersuummi Namminersorlutik Oqartussat naggataatigut umiarsuarnik taamaattunik, piginnittup akiligaanik piaanissamut periarfissaqartinneqarput.

Nunani tamalaani isumaqtigiiissutinut arlalinnut naapertuuttumik inatsimmi maannakkut umiarsuarnik imartatsinnut eqqaanissamut tamakkiisumik inerteqquteqarneq atuutsinneqalissaqq. Tamatuma saniatigut eqqakkanik, uulianik, kuuffinit imermik igitassamik minnerunngitsumillu imermik oqimaaluttamik eqqaanissamut maleruagassat sukannererusut atuutsinneqalissapput.

Suliassaqfinnun arlalinnut maleruagassanik sukumiinerusunik, Kalaallit Nunaata maannakkut siunissamilu nunani tamalaani immani avatangiisinut pisussaaffiinik naammassinnissinnaanissamik qulakkeerisunik, inatsisissatut siunnersuummi Naalakkersuisut aalajangersaanissamut piginnaatinneqarput. Tamanna assersuutigalugu nunani tamalaani isumaqtigiiissutinut, suli atuutsinneqalinngitsunut, soorlu Polarkode-mut utaqqineqartumut aamma imeq oqimaalutaq pillugu nunani tamalaani isumaqtigiiissumut – tamarmik IMO-meersunut (Nunani tamalaani imarsiornermi suliniaqtigiiiffik) atatillugu naapertuuppoq.

Imartap akisussaaffeqarfiup iluani sanaartortoqarniartillugu avatangiisinut sunniutaasussanik nalilersuinissaq pillugu piumasaqaatitaqartunik maleruagassanik atuutsitsisoqalernissaa siunnersuutigineqarpoq. Siunnersummi maleruagassat nunami avatangiisinut sunniutaasussanik nalilersuinermut maleruagassanut assingusuupput.

Naalakkersuisut siunissami umiarsualivitsinnut talinnissamut inerteqquteqarsinnaalernissaat inatsisisstatut siunnersummi siunnerfigineqarpoq. Tassalu umiarsuit, soorlu inatsisitsinnik arlaleriarlutik unioqqutitsisimasut umiarsualivitsinnut talinnissaat inerteqqutigisinnaalissavarput.

Immani avatangiisinik mingutsitsinissaq pinngitsoortinniarlugu akiligassiissuteqarluni pineqaatissiinerit ersisaarutitut sunniuteqarnissaat pingaaruteqarpoq. Taamaattumik inatsisisstatut siunnersuut akiligassiissuteqarluni pineqaatissiissutit annertussusissaannut ilitsersuutit, akiligassiissuteqarluni pineqaatissiissutit ullumikkut annertussusaannik qaffaanissamik siunertaqarfiusut, pillugit malittarisassanik nutaanik imaqarpoq.

Taamatut oqaaseqarlunga immani avatangiisit innarlitsaaliorneqarnissaat pillugu Inatsisartut inatsisisattaattut siunnersuut Inatsisartuni kajumittumik suliassanngorlugu tunniuppara.

Taamatut oqaaseqarlunga oqallilluartoqarnissaanik kissaassivunga.